

視倅然者自喪其慈惻然者有勝之理嘆八十一章三論兵知兵妙處有長生乾坤萬物皆同體勝敗元來只兩平

吾言甚易章第七十

吾言甚易知甚易行天下莫能知莫能行言有宗事有君夫惟無知是以不我知我者希則我貴矣是以聖人被褐懷玉易知易行者吾之言莫知莫行者所謂道夫惟道故有宗而有君譬諸玉則可貴而可寶嘆萬有芸芸皆是道道行何者不由之人人自有懷中玉妙在无言與不知

知不知上章第七十一

知不知上不知知病夫惟病病是以不病聖人不病以其病病是以不病

道藏輯要

道德真經章句訓頌

堯

心集五
川文

知之爲不知者自謙不知爲知之者自昧能病自昧之爲病是則知害而不害夫惟生知之謂聖復何病乎不知而乃病眾人之病者此其所以爲聖聖而愚愚乎嘆有若無實若虛儒之格言未得謂得未證謂證釋之戒示合二者以歸之亦奚分乎其異同

民不畏威章第七十二

民不畏威則大威至無狹其所居無厭其所生夫惟不厭是以不厭是以聖人自知不自見自愛不自貴故去彼取此君慈民愛愛則不畏不畏之愛大威斯寄容之如天安其居

矣養之如地樂其生矣上下不厭感應一理知不自見變不自貴以晦爲能以謙爲美去彼非道惟此道取治人修真無往不至嗚內養剛陽外順之自然心廣體安舒於中認得真知愛信有長年住世書

勇於敢章第七十三

勇於敢則殺勇於不敢則活此兩者或利或害天之所惡孰知其故是以聖人猶難之天之道不爭而善勝不言而善應不召而自來坦然而善謀天網恢恢疎而不失

暴其氣者死之機持其志者生之理夫何二者之必然而有或害而或利益不求天之變者如彼又孰知天之常者如此

道藏輯要

道德真經章句訓頌

三

心集五

故涓滴以之石穿淵默以之雷厲寒暑以之自然智慮以之不滯蕩蕩乎奄萬有而無拘雖一毫之微不能外矣嗚惡盈惡殺无非道人死入生皆是機提取大綱歸掌握任他常變總无違

民常不畏章第七十四

民常不畏死奈何以死懼之若使人常畏死而爲奇者吾將執而殺之孰敢常有司殺者殺夫代司殺者殺是謂代大匠斲夫代大匠斲希有不傷其手矣

人未知愛生常若不畏死使其生以樂安有死不畏奇殺無非天有罪斯殺矣所謂代司殺殺之以私意譬如代匠斲傷